

Siña Biba

Siña hala rosea.

Rosea ta siña bo pasenshi. Kon pa wanta doló, kon pa wanta sla i kon pa parti amor. Si bo no hala rosea, bo no por balansá bida.

Siña pa siña.

Mas bo sa, mas bo por. Mas bo por krea. Mas bo por logra. Buska pa bo haña sa.

Siña skucha.

Mas bo skucha, mas bo ta siña. Di otro, pero tambe di bo mes. Un hende ku por skucha ta un hende respetá.

Siña papia.

Dor di papia, bo ta kompartí, bo ta eduká otro i bo mes ta siña.

Siña duna.

Mas bo ta duna, mas bo ta haña, mas bo por parti i mas lo wòrdu partí ku bo.

Siña kompartí.

Bo bida ta mas bunita ora bo kompartí ku otro. Ora abo parti, otro lo parti ku mas smak ku bo. Un pan partí ta yena dos barika i krea dos sonrisa.

Siña bo historia.

Si bo sa fo'i unda b'a bin, bo sa mas mihó unda bo por bai.

Siña laga bai.

Tur kos ku a pasa ta den pasado kaba. Bo no por kontrolá pasado, pero bo por krea un futuro. Ta den bo man kon abo ta sigui.

Siña kere den bo mes.

Si abo kere den bo mes, tur kos ku lo bo hasi lo ta mas mihó, mas fásil òf mas interesante. Abo ta bo kreator! Bo futuro ta den bo man.

Siña biba.

Úniko kos ku abo ta sigur di dje, ta e momentu aki ku bo tin. Ayera a pasa, i mañan kisas no ta bini. Esaki ta tur kos ku bo tin. Duna tur ku bo por i e tiki èkstra ku bo tin skondí den bo.

SIÑA EKSELÁ!

Yuda bo mes. Bira e kreator di bo mes futuro!
Tuma kontakto ku therecycledpirate@gmail.com

